

98785

人物志

宦績傳

忠義傳

名賢傳

孝友傳

文苑傳

藝術傳

寓賢傳

耆老

列女傳

ED352.41

40

第37

民國昭通縣志稿

卷七

民國昭通縣志稿卷七

第二十二 人物

昔華陽國志略載其州之山川人類襄陽耆舊志只專載一方之人昭通一隅局勢宏敞山川靈異固必有魁傑偉奇之人乘運而興以維持乎世亂將見接踵而起者可預卜也惟自唐宋以迄清之順康均閉關而治人才罕見自改土後沐教化之薰陶風俗醇龐嗣是科甲鼎盛簪纓繼世彬彬然人文蔚起矣然二百餘年之間求其忠蓋報國純孝事親才能出衆品行高潔文名昭著技藝精良以及松柏完貞冰霜勵節者已具列前志茲復考其入民元以來碩德耆年漸次隕沒抑或抒其才智爲國服務及上所述各詣均照採訪查明確實並錄於篇原爲警末俗而勵頽風也志人物

宦績傳

宦途有二一曰名宦係就地方歷任官司有循聲卓著者而言前志循績傳已將其文武官事實敘述於志一曰鄉宦乃本地方文武各紳歷經筮仕者分別次序詳列於篇二者皆屬清代官吏毋庸再贅今將入民國後曾官斯土及出仕於外者確查其事蹟昭然在人耳目略記之以爲後來者勸

錢良駟字子房昆明人留學日本警察畢業初任安寧縣有政聲民國五年調任昭通時護國軍興籌措鉅款錢辦事精

昭通縣志稿

卷七

人物 宦績

昭通新民書局代印

細不畏強禦大軍絡繹過境不致騷擾皆其力也後以祖母
年高陳情辭請終養一如新疆巡撫劉錦棠故事回省後再
不出仕其歸也昭人之送者街巷塞滿並立碑紀其去思云
陳啓周字西屏思茅人乙酉拔貢分發廣西知縣民國六年
委任昭通縣事在官馭下最嚴書役不准索民一錢已則清
廉自持適軍興常與桀驁者抗衡至於禁煙尤力其遇告訴
者小事皆片言解決不使纏訟人咸稱之

符廷銓字選卿宣威人廩生曾舉孝廉方正歷署新平保山
縣知事民國十一年委任昭通辦事勤能聞昭志書未修即
竭力負責籌款設局卒促成其事更開挖新河使汗澤悉爲

昭通縣志稿

卷七

人物 宦績

二

昭通新民書局代印

沃壤其他整理學校諸務不遺餘力後調玉溪殿

以上名宦

李湛陽字勁風孝義正榮次子以副榜議敘道員留學東瀛
歸赴粵創辦將弁學堂兼新軍協統改變新章採用西法造
就人才甚衆咸多大用後署勸業巡警二道多與黨人習辛
亥夏回渝省親鐵路事起衆舉任城防統領及反正渝城獨
立更舉任財政部長迨成渝合併川中復舉爲參政院參政
到京後聲譽鵲起得任少卿職至川黔相聞會偕王人文赴
蜀調和厥后因國事糾紛奔馳南北已未歲由滇回昭因祠
堂修建未曾開祭始行典禮其時遇歲大饑遂與同志謝文
英等籌款賑濟

事詳

賑卹

湛陽常親至四鄉閱視工作不憚辛勤復

議修縣志甫籌備適以事至渝未久因遺疾而卒即葬禮園鄉人多痛悼之至今猶思念不置

楊燮吉字哲甫舉人居鄉守正不阿鮮與外事以大挑至川初署達縣頗有聲績補授江安知事斷獄明允以任事爲地方大紳所嫉誤參落職光復後乃行回昭議倡辦實業癸丑年以荐委署他郎縣事未及瓜代復因巨紳爭田未能徇情以致撤任轉省不久即歿返葬祖塋人皆以強項令稱之惜不遇時也

蔣應澍字潤生舉人家居西二區深沈多謀饒經濟才截取四川知縣歷任射洪鹽務廣元鹽亭兩縣事政績昭著補授

昭通縣志稿

卷七

人物 宦績

三

昭通新民書局代印

安縣實缺捐升道員以反正回滇即委景東縣知事繼選北京參議院議員轉昭復舉縣議事會議長建議纂修縣志力任籌款督催故能逾年成書即奉委宣威縣知事歸家後杜門養閒嘗集鄉人疏濬河道提倡森林不遺餘力並創立本區兩級小學校以造才雋之士民國十九年十月年七十卒於家

馬繼五字肇修郡庠生見時局紛紜棄舉子業赴東洋留學歸到省任鐵路公司顧問陸軍學堂教習勇於任事輕財尙義費助友人遊學凡弟姪之聰穎者咸令至省肄業培植不遺餘力民國初出任路南縣知事後調河西俱有政績因病

卒於任年未四十人多惜之後返葬於昭

楊思源字繼美庠生總兵朝棟裔孫拔萃勳曾孫家世以文學顯父銑襲雲騎尉職思源性穎異科舉既停遂赴東瀛肄業法政大學畢業回滇值國變初任昆明地方廳檢察長旋奉令充中央司法會議代表回滇後改任蒙自檢察繼署蒙自縣知事卸任還歷當法政學堂校長成就人才甚衆十二年病歿於省其先原籍省垣遂葬於黑龍潭祖塋堂兄思瀛附生思清廩生均有文名

程煥文字淮三清舉人初習商四方中年始回昭應試連舉賢書曾肄業北洋歸辦縣立高小學數年後赴廣西法政學

昭通縣志稿

卷七

人物 宦績

四

昭通新民書局代印

堂畢業反正回滇歷任定遠姚州鎮康馬關四縣知事均有聲績後充昆明市政公所科員十八年卒家屬於省遂葬焉李嘉謨字文伯樂山胞姪也幼從其伯受業工計學善書法長遊幕四方繼見時事變更由昭自治研究所畢業客渝城值光復事起任財政部庶務成渝兩都督合併後辭職回昭充實業員長凡所興辦事俱亟力提倡因公晉省適護國軍興遂隨蔡公出川贊助軍猷敍功歷委汶川縣南溪縣知事皆有聲績卒於重慶歸葬昭城

饒起敬字存誠郡庠生舉人起孝胞弟幼聰警工詩文精醫術嘗巡游四方在五華書院與陸良殷承獻相契旋入刑幕

復隨宦天津轉至重慶適遇起義僑居行醫繼得滇蔡司令
電調回雲南及馳至昭蔡已先行遂家居襄辦實業事將終
老矣至丙辰歲殷爲打箭爐鎮守使屢電促其出山相助始
至爲秘書後委任爐定縣知事旋奉令由川往畢節接洽唐
聯帥事畢轉至建昌邊境爲蠻所擄得友人劉靜菴逃脫到
瀘與鎮守使陳鴻範商榷始行贖出事詳劉傳復署瀘縣未久即卒
於任陳使人送其柩歸葬昭紅山口祖塋

楊履謙字叔凱郡附生其家祖竹齋父慕雲皆爲鎮轅總稿
履謙弱冠即橐筆繼其業習知軍旅事屢保縣丞自綠營裁
撤頻爲民國服務二年以鹽津設縣因與大關畫界爭持不

昭通縣志稿

卷七

人物 宦績

五

昭通新民書局代印

決乃以履謙署理行政委員事將就緒奉調回省後委署普
思行政委員以烟瘴未往後赴粵赴蜀均未遇至六年冬何
國鈞司令率兵至川權任挺進軍軍法官在事出力得保分
省縣知事履謙素有六志著有開闢涼山書煌煌鉅文可見
諸施行惜當道未許也旋辭歸辦理地方水利曾荷褒獎屢
舉縣議會議員後舉副議長壬癸之間襄助修志事宜次年
病卒於家子祖庚祖武另有傳 季弟履恆字嗣雲父斌號
慕雲有文武才官總兵銜四川參將品行高雅爲人所尊仰
已志前傳履恆性豪爽好義有父風初業商在昭修建恩波
樓龍洞紫極宮東嶽廟等處後循例分發四川知縣任重慶

鹽務兼任轉運軍械局委員國變後奔走南北屢參軍事在四川歷委合江長甯鹽興等縣知事卒於自流井返葬昭通石頭塘

龍雨蒼原名潛浩以字行龍德源之四子初入省立中學再入雲南陸軍講武堂畢業後以排連長隨軍入桂頻年勦匪禦敵洊升至第二師團長十九年仍入桂討伐二十年升討逆軍第三旅少將旅長駐軍迤南防先後殲滅匪首吳學選周興國等數人功績最著迤南民衆均同聲稱頌二十四年夏請假回昭葬父未久奉省電促轉省訓練補充隊乃帶病首途至宣威疾甚因乘汽車到省厲而歿年未四旬軍界中

昭通縣志稿

卷七

人物 忠義傳

六

昭通新民書局代印

忽失此健將聞者莫不悼歎焉 以上鄉宦

忠義傳

楊占元字熙廷瀘西人沈厚寡言前清末葉慨國家多故應募入伍在軍出力歷職上尉滇省光復以奮勇爭先攻破軍裝局有功擢升少校民五以還歷經護國靖國兩役回滇後復出師南寧卓著戰功晉級上校民十四年調任陸軍近衛七團團長兼滇東第三區剿匪指揮官駐節昭城時滇舊將唐淮源率定滇軍由川入滇兩圍昭城僉以兵力單薄不足應戰爲慮公曰敵雖衆然烏合也我雖寡可以奇兵勝之遂乘敵不備以勁兵出擊城危復安蓋公力也戰況已另詳大

事記不復贅昭人感公護城有功爲建生祠於西關外以示崇德紀功政府以公勇敢善戰擢任旅長民國二十三年以疾卒於滇垣昭人在省者咸備障聯致祭出殯日咸往執紼備極熱誠噩耗傳昭父老紳耆尤爲之痛悼不已

劉堅字毅強初名厚楨昆仲三人堅其次也性剛敏勤學幼入鄉立小學繼升省立中學成績甚佳旋爲教員非所願也因投考講武學校學術兩科皆專心肄習畢業後李根源調赴廣東初委以參謀繼任礮兵營長回滇值政變主席龍公擢升警衛團團長因剿匪有功龍公咸嘉焉民十八年駐昭師長孟坤率兵入川附敵昭城空虛張汝驥乘虛圖滇由鎮

昭通縣志稿

卷七

人物 忠義

七

昭通新民書局代印

雄移師進昭龍公聞警因派來守昭囑以嚴取守勢至四十四外自有兵應援故堅至昭即塞城門封雉堞燒毀環城店房靜以待敵蓋軍事行動亦常有此舉也詎意敵軍勢衆圍城猛攻四晝夜以內應城遂破堅方巡城受傷被擒迨援軍至敵勢不支挈其出走劉時傷已重至李子園謂押者曰我寔不能行死於此可矣遂斃之時年三十四歲龍公聞報令就昭立標以爲紀念並入祀忠烈祠焉尤可痛者其父亮臣是年春間方迎養至省聞伊殉難即欲回里以兵事未靖又因其無子乃拊擋一切至冬月始挈其妻返昭住于舊圃家中至十八日夜威匪馬明全等大股出巢至舊圃搶劫居民

首圍其家將亮臣及子厚福與長孫均皆殺斃惟遺一幼孫得傭婦抱之逃脫匪將財物掠擄而去烏呼其家遭此慘劫祖孫四人一時並盡抑可哀也矣同時與堅守城者有隴儒珍字序賓鎮雄人曾在鎮任保商隊長十三年偕二軍出師廣西回任副師長轉鎮未久遇張汝驥襲鎮隨隴禹來昭城破被擒張退挈至彝良斃之

涂濬字仲瑜郡人父開科武勇絕倫官提標參將清穆宗會賜以阿克敦巴圖魯勇號濬其次子也體魁偉有父風由武生補檜溪把總未遂所志復赴廣東入將弁學堂卒業後隨吉撫朱家寶充營官旋因故赴四川仍供原職勞績卓著民

昭通縣志稿

卷七

人物 忠義

八

昭通新民書局代印

國成立充蒙自道署隨員兵變捍衛道署遂殉於難道尹何國鈞爲請優卹入祀忠烈祠

周樹本字立夫郡周孝子之綱孫也生而岐嶷頗穎慧甫十齡即曉文義工書法嘗曰國家多故非尙武不足以救國辛亥光復遂投筆從戎赴省入志願隊繼入講武學堂習工兵卒業後任少尉排長護國軍興隨師入蜀猛攻白沙坡敘功擢上尉師駐合江與知事陳協力勦匪保衛地方土匪斂跡擢升營附長民國六年春川軍劉存厚突攻成都調赴前敵師至簡陽與敵軍激戰異常奮勇因衝鋒攻白塔猝不及防中彈穿胸竟歿於陣後衛軍獲其尸瘞於簡縣時鄉人聞其

死節事歎曰求忠臣必於孝子之門今信然也旋入忠烈祠
蔣文模字子材舉人應編季子應澍之胞侄少聰慧異常工
書畫精篆刻并長於詩詞性甚平和自中學畢業即入滇省
講武學堂畢業後供職於伏飛軍民國九年隨軍入桂逾年
歸身染煙瘴委權昭通釐務以便養母也繼充第五軍上校
參謀兼秘書軍長龍頗倚重之民國十三年冬復隨軍至南
甯參贊帷幄咸中機宜及江那戰勝後晉級少將旋以舊疾
復發卒於滇垣年僅三十人多惜之奉令照軍警病故例贈
卹並入祀忠烈祠

喬定坤字建民郡人體幹短小倜儻有大志初肄業省立中

昭通縣志稿

卷七

人物 忠義

九

昭通新民書局代印

學校卒業後入講武堂習步兵科靖國軍興隨軍長黃斐章
至川任排長復出師廣西薦升營副民十三年應普洱道尹
蕭瑞麟之招充緝私隊隊長在事出力瑞麟甚器之嗣丁父
憂奔喪回里充昭通團防教練適威匪劉雲山虎雲標等擄
掠昭境西北村寨定坤率團截擊遇匪於標水崖定坤奮勇
衝鋒中彈而歿時年二十五鄉人士憫其勇烈爲請優卹入
祀忠烈祠

曾起亮原名義昌昭通人民國初入伍爲兵出師箇舊改編
獨立營充當上士旋出伐四川隸十七團升級准尉因病返
家隨任團防局隊長十八年九月威匪阮發高馬大賢搶劫

北三區更盤踞龍寶山城局派起亮馳往兜勦至二道橋遇
伏突起遂被戰歿照例請卹入祠

楊祖武字繼先履謙次子從軍鎮雄充指揮部獨立營隊長
二十一年夏剿辦則章壩已奏績在路得疾回城後數日而
歿照軍營病故例由旅部呈請准在昭通縣發給卹金二次
並入祀鎮雄忠烈祠

暫編第一團及第二旅三團歷次剿匪陣亡官兵姓名

少校連長 傅盛明 中尉排長 王順祥 中尉排長 余澤 少尉排長 劉漢先

中士 李志 聞開明 張忠文 張子清 下士 王春芳 萬雲順

張體忠 尹樹清 陶明坤 曹朝愚 王少傳 楊忠有 楊明福

昭通縣志稿 卷七

人物 忠義 十一 昭通新民書局代印

張子清 上等兵 劉應 陸發琛 沈學文 馬明華 胡聯名

王臣明 一等兵 胡興 楊玉文 王德金 白應才 安耀廷

張少清 馬國良 潘樹清 吳光品 田家喜 周啟榮 郭文玉

高福榮 徐少益 李玉清 楊傳芳 陸正清 張大義 王開有

耿玉清 蔡潤發 楊樹林 夏楷林 建坤 沈發榮 劉潮海

袁興順 張云武 潘海明 唐正才 蕭中平 王登雲 李成學

周道文 木雲清 李揚顯 張玉清 武朝品 曹映芳 馬遠明

二等兵 徐文炳 趙小林 艾渭清 唐彩龍 丁玉清 板有貴

張華安 李家發 王海清 蕭雲貴 崔德成 張鳳林 李雲山

李國桂 陳開品 李朝彬 三等兵 王正文 李清 華國卿

以上共計八十三員名

名賢傳

查邑中先達已詳載前志惟是人往風微論其學問文章政事品詣恆爲人所稱頌茲因尊重道德欲人效法故不嫌重複仍錄其事實以備名賢之目並示三復不忘之意又其人入民國後方沒者當備述之以慰人心之傾仰焉

漢孟炎朱提人建興間丞相諸葛亮南征收用豪傑官屬舉炎仕至輔漢將軍 三國志

魏定一字不坡號也野乾隆壬子經魁品行卓絕淡于榮利僅公車一次推縣令固辭專意養親授徒歷主昭通威寧書

昭通縣志稿

卷七

人物 忠義

十一

昭通新民書局代印

院講席歲入束修分給族人以詩古文辭書畫自娛所居松

竹園甚幽雅沐鶴汀造其廬

此據知府劉禮祖讚一云伊里未確布

題額曰五柳遺風錢

南園贈聯云護門草亦芝蘭味擲地辭成金石聲著書十餘種毀于兵燹今所存惟也野語錄中庸衍義百花詞行世卒年九十三門人誄曰文貞

辛聯璋字朗山賦性純篤制行不苟工詩文字法尤冠絕一時道光丙戌進士選庶吉士改官浙江遂安知縣以不合時趨引疾歸主講昭通東川書院二十餘年學宗程朱每課士必以躬行實踐爲準多所成就篤行之士皆出門下不僅以文章科名顯也盛德光輝士林奉爲楷模即一言一行鄉里

咸引重焉年七十無疾終

呂清字靜齋道光丁酉亞元品端學邃嗜古能文任開化東川教授主講鳳池西林書院席先德行而後文藝故造就甚宏東昭及門擢科第者絡繹不絕年七十餘終士林並立德教碑以誌其愛戴云

吳銀字鐘樓歲貢生博學能文性極孝母病危割股愈之初游學畿輔及歸遇世亂協辦地方團防城賴以安精歧黃術多奇效見義勇爲不避權勢昭通搬棚甚有力焉工聲韻之學所著有課幼草放月齋詩集子績恭績敏同榜舉人孫紹鴻附生文學尙優歷任中學校國文教員

昭通縣志稿

卷七

人物名賢

十二

昭通新民書局代印

李開仁字樂山同治癸酉經魁才思清超經濟明通授徒川滇間多知名士在川時上書李合肥論天下事歸本滇亂合泐器之邀往京不果助岑襄勤克復大理延教諸公子讀後官四川敘永廳同知著有白雲山人詩文集丙戌岑公調修雲南通志旋修昭通五屬志惜未成書而卒

耿繼章字華亭郡歲貢性和厚居家孝友自軍興後嘗辦地方團防保甲修城垣建考棚並捐私財助饟歷保花翎補用同知光緒十一年薦舉卓行撫憲獎以品重儒林額紳耆贈聯云特立獨行式如金玉言揚事舉譽達家邦子存良舉人官四川州同

蔣春培泗漁河人父秀斐績學務農性剛直族人
有糾衆爲不義者秀斐正色阻之息其事後卒縣尹王誅文曰先生性
如剛鐵千回百折不缺惜乎六旬春光莫覩令儀令色等語
他如建宗祠設義學善舉尤多子春華廩貢春拔增生次卽
春培歲貢生事親極孝母以亂世歿無裝殮負其屍藏近林
中死守者數日賊退諸兄迹得之始殮性敏好讀書避難深
山經籍悉毀於火拾殘篇朝夕吟哦居家授徒三十一年多
所成就生平操守清潔不預外事無一字入公門至鄉中有
紛爭者聆一言則解決設義田以贍宗族凡貧不能婚葬多
成全之歲饑恆出菽粟賑濟人咸德之子孫多榮顯子三應

昭通縣志稿

卷七

人物名賢

十三

昭通新民書局代印

澍應編舉人應炯拔貢另有傳孫文駿文模等均能世其家
楊耀奎字月舫家世業儒祖父俱文學士耀奎行四同治庚
午科優貢中式舉人饒有經濟由軍功保舉知州歷主郡書
院講席生徒甚盛後選昆明教諭爲各督撫所器重張月卿
中丞設儲才館以蓄經世之才考取耀奎爲提調譚撫軍創
立經正書院命攝監院並監五華書院事丙戌修雲南通志
曾襄助其事後卒於任子懷瑩附生

黃紹勳字翰屏恩貢以軍功保舉通判分發四川歷署西昌
縣峨邊廳皆政聲卓著調西藏糧務光緒十一年冬抵藏適
英人馬科蕾帶兵三千入藏游歷紹勳奉委勸阻竟止其行

其他辦藏哲爭界贍對構訟邊務通商事均有力駐藏九年始回川久之赴夔州通判本任適值土匪嘯聚山洞奉檄馳往解散並辦賑濟全活人民無算晉知府銜即補直隸州後以老告歸優游林泉者十餘年爲人正直接物謙恭於地方民瘼尤爲關心鄉人恆尊仰之卒年八十三次子廷矩由西藏軍功保舉知縣分發貴州光緒末署湄潭縣事變政後湄人請復任未到孫恩成字章甫辛丑舉人分發四川知縣到省未久即卒

李正榮字耀廷先世占籍恩安之龍泉冲其父洪秦始寄居仙人洞正榮生有至性夙抱大志初罹回亂祖父俱歿母矢

昭通縣志稿

卷七

人物名賢

十四

昭通新民書局代印

志撫孤兄弟七人榮居長餘皆幼弱賴其貿易撫持漸習弓馬入武庠從軍保都司再保知縣改捐郎中生平饒有經濟自經商重慶才猷大展列肆徧東南家致巨富鄉人往依者甚衆事母極孝癸巳母在昭病危榮住渝聞電星馳至昭侍疾數日始歿人以爲孝思所感後聞有談及母節者輒兩泣不止處兄弟至老友愛彌摯獨力於昭建宗祠承先啟後規畫宏遠好施與凡捐貲賑荒修橋及各慈善事美不勝書光緒癸卯滇撫林具其孝友義行奏請旌揚部准建坊立祠國變後一年卒年七十五歲葬重慶禮園子二湛陽另有傳三蘇陽字裴知長於重慶性恢奇好讀書不事帖括由儒而商

號中匯兌離務動輒鉅萬簡牘籌算父俱命學習咸得當晚
年堂上務頤養一切悉付之遂得展其志于時務則首設絲
廠創電燈通輪船修船塢岷江巫峽交通便矣至家事則督
工築宗祠訂族譜置墓田興義塾更爲其父建坊龍山寨本
原厚矣素抱改革性渝城光復咸左右之民國三年避亂至
上海謁孫總理文與語奇之贈以高瞻遠矚額袁氏稱帝陳
英士提挈滬事蘇陽以三萬金助之故肇和之役一擊而海
內驚焉返渝城後見時局日非閉門課子以二十年二月病
卒附葬父墓側

謝文翹字秀山光緒庚辰進士任刑部郎中性嚴毅派審閱

昭通縣志稿

卷七

人物名賢

十五

昭通新民書局代印

犯判決七人有旨輕減仍執奏不阿卒正法數名出守鎮遠
判斷楚黔多年爭廠案英兵輪駛入仁懷文翹據約勒令出
境且知兵事治盜平寇屢著勞績保二品銜候補道調貴陽
府國變後居常抑鬱屢聘不出敏而好學所著詩文宏富其
公牘筆記有裨治術尤留心桑梓事大者如搬考棚免夫馬
咸得其力年七十四卒於黔省歸葬昭之鬧心場

謝文英字鍾山文翹胞弟性剛直家世武職父國相出師粵
黔回任鎮標中守備攝中軍游府事遇髮逆入境有保衛桑
梓功

詳前志

文英幼即入伍署汎地出川歷帶兵至階州電波松

潘勦匪保升參將爲人疏財仗義睦宗信友好觀綱鑑宣統

初還里迭選縣議會議長遇兵事頻興及辦理團務賑濟饑荒修濬河道皆在事繫地方安危者十餘年上峯錫以軍民利賴額至民國十四年卒於家其子崇堦以身殉母人以爲孝具載前志

謝崇基字履莊丙戌進士入詞林爲國史館協修居家嘗主鳳池書院講席修建藏書樓石刻科舉五貢題名碑充日本留學生監督宣統元年簡放天津兵備道調署清河道性情恬淡國變後僑寓天津隱居不仕以書畫自娛至民國十二年壽六十一卒柩未歸已葬於天津

盧元達字玉豐西三區人世襲祖業以忠厚傳家至公以累

昭通縣志稿

卷七

人物名賢

十六

昭通新民書局代印

助善舉議敘遊擊銜待佃戶代無加租事地方疊遇饑荒恆出粟賑濟全活甚衆尤有遠識見清末國事紛更非求學莫救因挈家入城令子女十餘人咸入校肄業多所成就及子漢帶兵從事征討嘗致書戒其妄殺妄取性醇和與人無侮鮮預外事雖戚友請託未嘗爲人關說以此鄉黨咸高其誼民國十五年卒卜葬南鄉

文苑傳

馬州乾隆中副貢學問博洽纂修郡志體例具備維時開化日淺少可紀載且未刊板僅互相抄錄而他書之刻尙多後嘉慶間官嶧峨教諭

楊勳熙弟乾隆己酉拔貢積學能文與魏定一柯東同受知於學使汪如洋選其文入滇南試牘時文教初興設館教授品學之士半出門下著述甚富亂後散佚子裕培敦培均先後登拔萃科 敦培字起亭最知名品端學粹綽有父風鎮府欽其品誼常延課子弟游其門者皆植品勵行爭自濯磨衣冠言動望而知爲先生弟子也中年以後子女俱夭憂傷而卒識者惜之其門人李開仁子嘉瑞爲刻三酉聯選集以報師恩焉

鄒焯嘉慶庚午經魁性剛直博通經史家學淵源兄弟叔侄舉貢六人焯善小歐字名重一時教讀十年及門多所裁成

昭通縣志稿

卷七

人物名賢

十七

昭通新民書局代印

著述繁富貧不能梓惟爾雅釋字行於世

李勤培字芝字丙子舉人品正學裕主講鳳池關陽書院遠近從遊者衆多所成就書法歐王至今人多寶之

蕭維祺字錫之鳳翔子貢生性方正好宋儒書學主實行教授數十年多所成就知府林公重其品創設育英書院延爲主講著有錫福堂詩文集石田語圍爐瑣記臚言等書卒後門人謝崇基等樹碑記其德教以垂範云

胡升吉字次階性聰穎幼失怙母羅氏守節勤苦課讀甚嚴因家事震怒跪而婉諫必俟色霽乃起年十餘齡即入泮人以小秀才呼之咸豐初遭回亂奉母逃難雖顛沛流離中猶

手不釋卷承平後舌耕養母常習機械學製木人代杵白事甚靈活平生最重操行鉅細不苟以故人皆敬服鄉黨有爭執事得一言而立解如右鄰某婦常忤其姑一日肆鬧至街衆聚觀之尤詈不止遽覩胡至遂釋杖請罪因令向姑告饒嗣後竟改其行左鄰有婦行相類亦爲之感化其以德服人有如是者宜其子祥樾由拔貢歷任縣知事孫輩蕃衍代有達人壽六十有二卒光緒初族黨上其母羅之苦行得旌於朝准入祠建坊

饒起孝已卯舉人曾祖輩皆有科名孝承家學並得外祖呂靜齋訓勉詩文清雋公車北上旅京十餘年其學益進尤深

昭通縣志稿

卷七

人物名賢

十八

昭通新民書局代印

於詩祖春熙拔貢有豫桐室集起孝有竹山館詩集

蔣應鎬郡西泗漁河人由優廩生中式癸巳恩科舉人善書法工詩文事親克孝友于兄弟人無間言嘗置義田以贍其族饒有父風壬辰歲大饑襄辦河工賑務諸臻妥善家居教授四方從遊者衆後因大旱偕鄉人祈雨行烈日中遂染病以弱疾卒次子文龍貌魁偉性穎而好學工書能文慨時多艱因習軍事學肄業湖北陸軍學校轉京師大學堂頗有聲譽人皆以遠大期之惜得危疾歿于京三子文麟現爲參議會副議長四文模另有傳

張本釗郡庠生遊學日本肄業高等師範學校宣統元年母

卒萬里奔喪至開弔之夕抵家祭葬盡禮人以爲誠孝所感
事畢仍赴東瀛畢業還昭任省立師範學校校長新建講室
熱心教育惜不久即歿未竟厥施云

姜思敬字緝熙貌誠篤性和靄與人無忤昆季四人思敬其
次也幼志於學從蕭錫之先生遊於諸昆季中攻苦最勤入
庠後受林贊虞太守知遇掌書院經籍因得博觀羣書故古
學淹博而詩文尤清麗可誦歷應郡縣課試及歲科考均列
前茅優行補廩光緒巳酉循例出恩貢設館授徒事母孝所
得脩金悉以奉母民國光復後任省立第二師範及中學校
國文教員不預外事以育才爲志朝夕講學爲樂博聞強記

昭通縣志稿

卷七

人物名賢

十九

昭通新民書局代印

有問必答成就後學甚衆然以頻年教讀心血俱虧竟得喘
弱之疾而卒

賴開泰字階平性聰穎家貧力學入庠後文名大噪外屬士
多從之遊旋食餼出貢以教授終晚年愈博覽羣書屬辭艱
深年六十餘卒

孝友傳

楊熙字光遠恩安人少好學天性純篤父朝棟任正定鎮總
兵卒於官熙甫七歲即哀毀如成人偕兩弟一侄扶柩萬里
歸及長事母以孝聞教弟侄極盡友愛遇族黨有急難多周
之人稱其德

李永安郡人性孝友少業儒以家貧隨父寓古寨充前營遊府稿書所領月餉悉以奉親事父母愉色婉容曲盡孝養母晚年病浮腫久困牀褥兩股膿血淋漓醫禱不效嘗親洗滌敷藥遇便溺則率婦劉氏抱持夜與弟永裕輪守俟熟睡乃敢少休歷數年不倦及沒哀毀異常廬墓終年父沒亦如之事繼母林氏無異所生待弟友愛備至婦劉氏尤善博繼母歡母嘗曰勞汝夫婦奉養吾無他祝願汝子孫科名不絕也丙辰回變率子開仁奉繼母遠逃經年歸而瘟疫大作林適卒永安多方購棺木葬之生平多隱德常賈砂糖數擔中藏銀五十兩訪其人還之分半卒不受收租見佃戶郭某冬寒

昭通縣志稿

卷七

人物 孝友

二十一

昭通新民書局代印

衣不蔽體即解衣衣之亂甫平悉焚所存借券人問故曰兵燹之後百無一存留之何益其慷慨好義類如此長子開仁同知次開義守備孫嘉瑞嘉珉俱以科第顯嘉謨歷任四川知事卒如母言

李璿章郡人性誠孝慷慨好義母呂氏染病親侍湯藥朝夕罔懈疾篤焚香默禱願以身代刲股療之乃瘳母復延一紀嗣其父續娶謝氏事如生母孝敬彌篤里中有慶弔事其無力者隱爲扶助友人周姓家貧值橫逆非多金莫解璿章多方營救事得已旋以血氣虧損遂成羸弱享年不永識者傷之里人李開仁爲文誌墓列後文藝內其婦李氏守節請旌

入祠

楊聯吉先生灣人咸豐六年夏大雨父立隄因水漲飄沒聯吉躍入洪波救之流數里鄉人見者拯之出聯吉睹岸不得父尸大號仍躍入水家人以下流截援之已斃身抱父尸而目不暝後官吏爲之請旌入祀御史鄧鐵香立有傳其弟燮吉徵集詩文甚夥郡人李開仁有詩列後

耿繼志邑處士開忠次子生三歲父即歿母氏錢矢志撫孤偶值母病繼志年十餘歲服侍甚謹及疾劇則日夜哭泣籲神願以身代隨割股肉和藥進病遂愈後母患目翳臥起不便凡飲食便溺繼志皆身任之如是者四十年以致母目復

昭通縣志稿

卷七

人物 孝友

二十一

昭通新民書局代印

明又廿餘年卒乃以其鳩杖爲木主供奉以事母如生也其家故貧而有守與世無競終其身無一字入公門娶張氏能承其意生子四次子存光貢生曾割股療親已不言人亦鮮知者四子存寬舉人有司上其母之節子之孝請旌皆得旨入祠焉謝崇基傳其事題詠甚多傳列後文藝

周達璋邑人初家貧性極孝母病割股愈之因亂出外至永北源遠間投身金廠漸積貲爲廠主家致富母歿時還家安葬畢復轉廠卒已請旌入祠

姜九齡世居母鹿寨賦性肫摯五歲失怙稍長見家口人衆以冢婦又居孀最苦常代其操作旋遭回變屋宇悉焚入城

作小販備極艱辛俾母與弟妹不致凍餒後經商於外每歲終必歸省溫清飲膳下及廁牕必躬親檢點侍母病數十晝夜衣不解帶既卒春秋拜掃十餘年如一日子思孝等四人均入泮食餼輒以母不及見爲恨至處手足友愛彌篤弟康齡性誠篤事母尤孝謹孺慕終身歿則承祀其主晚年始連生思瀛弟兄三人能世其家壽八十餘見孫方卒昆明陳榮昌爲九齡銘墓辭曰

回紇煽亂蔓延滇土野有流離市有豺虎雀失其巢燕失其堂我安適歸瓦礫之場無食無衣更無安宅於此有人乃成孝德

母撫兒孤兒知母苦何以報恩牽車服賈生滌溺器死表瀧岡以今方古山谷歐陽其人誰耶昭通姜氏誰爲此銘昆明陳子

周之綱字馨葛幼有至性出外所得果餅常懷歸奉親有陸績風初以父參軍粵西因棄儒習商贍家後父歸得腰疽症

昭通縣志稿

卷七

人物孝友

二十二

昭通新民書局代印

甚危之綱侍疾心迫因籲天矢誠取股肉入湯奉之疾遽瘥更以湯洗瘡數日肌肉生後入中軍署繼父爲稿書生子七人次鏡熙舉人五亮熙增生嗣父職餘俱以功名顯年逾花甲遣疾召諸子諭以孝弟爲傳家良方官紳上其孝請褒揚得列孝弟祠 亮熙字覲述邑增生性孝友初入中軍幕任父職善書工鐵筆有雪廬印譜國變後晉省爲圖書館監學子樹本侄樹彬樹森隨侍入中學皆藉鐫印資助旋從軍四川任編修兵退至安邊落水遇救免回昭任團局事時昭團防乏款亮熙苦心謀畫始有常費又籌款修建團防局經營不遺餘力以績勞病卒其孫樹本以營副長攻簡州陣亡入

祀忠烈祠忠孝萃於一門邑宰梁友櫝題其傳另詳文藝
何耀先字月橋性聰穎外樸內慧父正剛鎮標兵出師粵西
轉戰至江西白沙坡戰歿時耀先方五歲母呂矢志撫孤性
嚴毅當不憚時耀先夫婦長跪請罪至得解乃起以家貧棄
儒習商屢外出聞母病兼程歸視備極艱辛後至江西訪父
墓欲謀歸葬不得則痛哭而返以爲終身恨幸母苦節已請
旌入祠耀先雖業賈而制行高雅工書畫其寫蘭竹石姿勢
如生子光瑩業儒民國初荐任者海縣佐旋卒妻張氏守節
另有傳次光鑑附生善書畫能承家風惜早歿

蔣應炯郡拔貢生性豪爽居家孝友爲諸生時其父春培病

昭通縣志稿

卷七

人物 孝友

二十三

昭通新民書局代印

瘧漏久臥牀席應炯侍疾不離左右甘棄科名三試未赴及
病劇親爲接溺除糞始終不易人蓋恐其手重傷親也後登
拔萃科分發四川州判兩舉省議會議員保薦知事應世饒
有經猷而處人和平郡紳李湛陽贈以讓德可風額頌其孝
行乙未年饒起孝劉光漢傳曾言之

劉光漢郡人附生母病垂危無術醫治乃割股肉和劑服之
翌日病瘳後幸入泮學使知其事旌其門閭焉

楊景岡郡人性介而孝妻歿遺子四遂不娶或勸之曰娶而
不賢是貽吾親憂也事母惟謹喪葬至敬盡禮撫子成立年
七十二卒鄉里稱其孝義焉

胡永康字仲平庠生保舉縣丞宣統初舉孝廉方正學本實用操刑名術遨遊郡縣戊巳之間時事紛紜嘗上書大府冀其舉行雲南諮議會成立聘充文牘籌畫殊多性孝友事母尤誠恪雖在外恆惓念不置後爲武定科長因帶賦稅銀入省在途被賊所戕事聞卹如例母八十嘗倚閭望言及則痛泣之舉家不敢以死告恐其傷母心也

張傳易淇亨第四子性肫摯早孤事母極孝母多疾奉侍湯藥不離左右者數十日及病垂危傳易嘗語家人曰母在子歡母死子單人而無母生亦何爲後母歿傳易俟含殮畢入室服毒而亡時光緒丁丑九月二十日也人皆以孝稱之

昭通縣志稿

卷七

人物 孝友

二十四

昭通新民書局代印

唐士瀛拔貢生性誠篤動必依禮奉親孝事叔敬待諸弟子侄尤極友愛屢試未第嘗究心經史政變後決意杜門不與外事人咸高其誼

曹爾昌字光前祖文科陣亡永善父早卒家中落因棄儒習商居家事母極孝撫兩弟兩妹友愛睦族敦宗性喜交游好施與嘗爲人排難解紛關河一帶無貴賤皆知其名國變後管敘府天順祥號事軍務迭與敘當衝要爾昌竭力維持商務並市場秩序久欲迎養其母以年高未遂壬戌冬母染疾欲束裝歸侍旋罹病止後得母耗日夕哀痛病益重不起識者謂其以身殉親也叙人感其維持地方之誼祠祀之

王廷爵湖廣永州府零陵縣人籍昭通貿易鹽務倡捐棺木三百餘口施濟孤貧又於南門外壽佛寺左捐蓋爐烟房三間又爲同夥毛羽豐代還欠賬五百餘金羽豐故時其子甫四歲廷爵給資衣食讀書婚娶撫孤成立經府縣詳藩司給有好義足風匾額

王頻學字富五父鈞運早歿母梅氏守節撫子成人先世本以商業起家繼停歇至頻學能卓然自立經營商務家既裕常助戚友游學凡親族之貧寒者更調濟之性極誠懇事母惟謹其號肆住城外每日夕必歸家省視其母所喜嗜者無不敬備咸得其歡心民國九年族黨爲母請旌得大總統褒

昭通縣志稿

卷七

人物 孝友

二十五

昭通新民書局代印

揚錫以節勵松筠額至民國十五年冬頻學得疾沒母年七旬餘日夜號泣不止於此可知其孝行矣

曹熾昌字襄周父永元早世其母羅氏矢志撫孤熾昌爲其季子三兄多在外惟熾昌常居侍奉性肫摯其長兄夫婦病沒姪觀詩繼殞妻李氏殉節所餘一子渥光方在襁褓熾昌力任撫育及成人爲之娶妻并將其產歸還族戚高其誼前議修志熾昌首捐巨貲以成其事子觀斗遊學歸從事商務名譽冠儕輩其家人文蔚起人皆以爲忠節之報云

陳其澤字治安幼習商誠信昭著嘗爲倉正辦賑務出入均極清白居家事父母孝兄尙之早沒嫂楊守節另居其澤隨

時照料與弟其昌極友愛白首彌篤又有熊紹武性孝友以
商起家伯叔兄弟咸得其資助貧者撫卹人無間言視世之
爭產構訟者迥不侔矣

劉若智字靜庵幼爲人誘至峨嵋山披剃習典儀旋出遊至
滇省友人饒存誠等見其機警有才略以劉秉忠燒廣孝事
說之勸返初服因從軍開廣勦游勇充哨官事平保都守隨
往粵東依岑西林公歷署汎缺張鳴岐督兩廣任衛隊長黨
人火督署若智曳其踰牆匿警署得免國變後改習機械染
織術返渝與長兄設織衣襪工廠適雙親歿即挈眷返家卜
地喪葬咸得其力因蕭石齋任彰明縣邀其往遇護國軍興

昭通縣志稿

卷七

人物 孝友

二十六

昭通新民書局代印

土匪竊發圍縣城靜菴出與調停衛護石齋及眷屬出險回
昭充挺進軍營長復出川凱旋遇饒存誠署爐定縣由黔公
務回約劉至爐相助行抵建昌邊境同行十餘人俱爲野蠻
所擄惟靜菴跳而免閒關徒步裹腹奔馳數晝夜竟達打箭
爐泣訴於鎮守使陳鴻範允其請以數千金取贖差弁偕往
再返而饒始生還爐任未久饒即病沒仍扶櫬回里處友如
此生死不渝可謂難能矣劉以其數遇危殆因改營商業逾
年而卒妻劉氏青年守志素識字懂算督夥徒仍理店業貿
易頗盛乃新建一樓供佛朝夕誦禮其中

陸玉振字集成爲人孝友好慈善事創辦同樂會年終以糧

食調恤貧民經營二十餘年雖在外尤募款補助饒經濟才辦大事者皆倚任焉凡親友有糾紛常爲解息人咸稱之朱繼程字夢香清附生由省立兩級師範畢業回昭屢任教員女學校長縣議會議員幼失恃得祖母撫愛至成童祖母病危繼程慕黔婁嘗糞事竊效之疾果愈後父萬鍾患弱症不治則刲臂療之竟未起鮮與人言故無知者昨覩其稿有謂手執青鋒無罍臂流紅血忍嗟咨之句彼未嘗請獎茲特不沒其善故錄之

李開曜字崑山舉人開仁五弟性孝友棄儒習商初開仁父子計偕北上開曜常爲之籌費並一力摒擋家事待姪如子

昭通縣志稿

卷七

人物 孝友

二十七

昭通新民書局代印

及開仁守叙永迎眷人署卸任後仍奉之還里蓋開曜事母久極其愛慕婦耿氏奉之尤謹終其天年姪嘉瑞官吏部郎中遇覃恩呈請以己職貤封開曜製冠服寄昭以酬夙惠即此可知其孝義也子嘉榮字華封庠生長於文學橐筆幕遊四方初爲廣東將弁學堂書記繼入惠潮道署以功保縣丞民國後回昭歷充教育議會文牘出任鎮雄鹽津縣科長以勞瘁卒

戚殿南桃源回民幼時父爲馬宏恩所殺殿南稍長欲報仇非有武藝不可因出外徧求名師教誨久之歸家遇馬於途立斃之束身至魯甸投案魯之官吏以地非其屬乃歸獄於

昭知事某公憐其孝定以有期徒刑至民國十六年遇赦得免與費奎等開教拳棍人多從之遊

藝術傳

劉學恆字永菴昭通人移居東川工繪事得丹青三昧布置渲染非時手所及尤善書大字筆法整嚴嘉慶間薦考畫工名播京師

禹嗣興十四歲入邑庠家貧親老舌耕謀生暇即研究醫學幾二十年親友患病有求醫治者投方輒應後遂暢行家致小康為人忠厚樸拙臨證小心謹慎卒年七十四名醫之稱身後無閒言至今數十載鄉黨猶有感慕者其醫箴云

昭通縣志稿

卷七

人物 孝友

二十八

昭通新民書局代印

三世業萬卷書朝出診暮入讀雖小道乃仁術富貴家貧賤屋不計有不較無脈理精藥方熟明陰陽辨寒燥識傷寒防瘟疫守十戒六經疏分輕重定兩銖查表裏審毫忽汗吐下警錯出實者

消虛者扶本慈祥貪忍除手著春杏栽途或稱仙或稱佛半是醫半是儒堪為醫家範模 次子鼎字衡齋附生幼有大志

善詩文困於童試年將四十始入泮初傳父業並習武藝民國成立思建功業護國之役即從軍入川以醫術顯名歷保存記縣知事後歸里年七十餘卒

清同光間以醫術稱者有徐涵貞名延章丙戌歲貢乾三弟病弱垂危延徐治之頓起沈疴能濟人急凡病家請之必到且速 宋宣然縣吏員嘗遊歷北京歸性聰敏其治病多精思奇法應手立效 張復初旭昇胞姪由儒習醫他人不能療者張治之輒愈 鄧彬曲靖籍以醫世其家至彬尤精於

此道蓋三折肱矣 謝文暄濫田汎把總名重一時 黃明倫字敘疇附生傳父醫學名尤過之

耿開復字振宇郡人幼讀過目成誦非所好也喜習易筋經且得異人傳授內功故技藝絕倫有武士來與之角不較惟舉重二千觔物示之其人懼而退凡金石之堅厚者嘗以掌斷之偶駢其二指使有力者擊之弗能也以金台子聘往保廠他教習嫉之集衆爲難開復一舉手無不辟易後竟以毒藥置食物害之聞其徒范姓至廠在途遇之未知已歿或云尸解云家有鐵笛二他人吹無聲惟開復能也平居急公好義排難解紛鮮開棚授徒傳其藝者僅湖南吳劍眉四川劉教古惟知名光緒末有教古徒孫曾

昭通縣志稿

卷七

人物 藝術

二十九

昭通新民書局代印

凌虛至昭嘗述其授受淵源但稱其祖師號曰耿金剛未知即爲昭通人者其同人聞其事著錄之爲凌虛別述

周英字子彬幼貧改習商業暇即讀書自爲詩文甚富初欲興實業任職員後觀報章知時局艱危憤外強陵逼更覽戰策講武術日則設帳授徒夜則集同志練藝近入黨部辦事勤能所得費多購書籍今歲修縣志已舉採訪員惜未開局即得疾卒論者謂其學雖博而不專著述多而未當然要是有志之士焉其歿也年只四十餘人多惜之

費燿字璧齋初入陸軍小學後至保定軍官學校畢業回滇後授少校任講武堂教官性沈默寡言其拳藝尤精家居時

任中學教員嘗與周英等集青年操習武術十七年應贛省友人之招任第四師參謀轉至武昌任中央分校國術總教官旋入首都以疾卒於旅次時年三十六歲論者謂其境遇困頓未竟所施也

張貫字一樓號炯堂咸豐辛亥歲貢生品學優長教讀數十年及門多顯榮者工書法大字尤遒勁郡中廟額多其手筆著有炯堂詩草年六十六卒同時有王曰都郡廩生亦善書匾額字尤有名遠近皆重之

楊藻字華府庠生書法歐王大字尤佳弟澤工繪事筆無俗韻山水人物俱有生趣堂姪集雲善花卉有名世業丹青兼

昭通縣志稿

卷七

人物藝術

三十一

昭通新民書局代印

傳真裝裱

李印山邑庠生工山水人物筆無俗韻性兀傲不與外事頻年以畫爲生四方求之者衆年七十餘卒

姜泰岳孝義剛正以文場不利改習武入邑庠因卜父母宅兆苦不得其人激而求堪輿之學日益精晚年著有昭通補缺志二卷其論城於西南宜添設一門府縣署書院宜更易中溝不宜直流雨公山火神廟外等處宜建高塔語多奇驗且常督修昭通五屬考棚觀城西飲水池汗穢浸灌人民感受疾病乃改造石欄使穢水撇流於外以免吸飲者致疾至今稱便其他地方公益補救尤多孫綬青有名商場

耆老

吳開甲與妻尹氏耄年齊眉孫曾繞膝至民國十二年妻歿
開甲年九十一後二年乃歿

楊思沛字漢初正定鎮軍朝棟裔孫幼業儒嫻習弓馬世亂
入伍補右營外委因年老辭退家居讀書年八十八記憶力
尙強嘗與談綱鑑及往時軍事恆娓娓不倦後數年步履猶
健及十九年終壽九十六歲

馮發雷祖廟人業農至民國六年卒年九十一歲其堂弟海
與同村住嘗辦煤廠於民國二十二年卒亦九十一歲

黃紹仁字耒岫父籍江右在昭營商生紹仁昆季六人紹仁

昭通縣志稿

卷七

人物耆老

三十一

昭通新民書局代印

其次紹勳其三也皆在昭讀書及長紹仁回原籍應試入庠
旋游幕四方後居樟樹鎮設藥材行其孫恩爵轉昭娶妻生
子民國中夫婦皆年九旬餘常有信通往來詩文清雅弟紹
勳常爲刻其根心寄草

王建功字勳臣先世山西陳氏幼爲王繼文所撫從其姓至
曾祖尉恩安遂寓昭民國初始令子孫歸宗建功少孤貧長
從軍後操商業精建築學昭城修總坊龍洞恩波樓等處多
與焉其他葺路建橋諸善舉甚夥年五十餘始得子接生六
人女稱之八旬失偶復續娶生子爲世罕有精神尙健猶督
修陝西廟甫竣遽卒年八十五歲

馬成章字斐然父國鈺武營老將高年盛德生子七人半商半儒長子珍性極孝人咸稱之成章行六初習武後業商精建築學地方有土木事恆與王勳臣董其役嘗管理倉儲及籌辦賑務數次上憲屢錫以急公好義樂善好施匾額民國十六年壽八十一卒子敬五附生次孫恩溥現任建設局長李啓寬字卓然解元鍾泰第三子父於咸豐中在安徽辦理軍務署甯國府卒於任時道路梗塞瘞柩未歸光緒己丑歲卓然由滇至皖竟負襯回昭葬於天地爐後以教讀爲生晚尤強健卒年八十四歲

趙奎利濟河三空橋人力農夫婦齊眉子孫衆多於二十二三

昭通縣志稿

卷七

人物耆老

三十二

昭通新民書局代印

年並壽九十二歲夫忽染疾歿越數日妻亦隨逝

張開科字裕昆初業商與人交易無機械心撫子香柏季質成名在家頤養一介不取予朝夕出遊人以善菩薩目之民國十九年年八十三無疾終人皆謂今世如此古道者少矣彭肇基字丕振北三區人子品三孫天申曾舉縣議員於民十三年由縣長符呈請省政府錫以五世同堂額後年至九十五歲而終

曹鼎臣清府學生初居大關一盪水後以其季子家昭北三區晚年多就其養常與彭肇基相善年相若人稱爲二老長子文生安德早卒撫孫康吉從軍至營長昨鄉黨以公年屆

期頤五世同堂呈請政府褒揚並爲之大慶焉

黃克昌字明德先爲典吏繼經商次子兆興拔貢生孫承謨承烈俱師範畢業爲教員爲校長翁至九十三歲卒其三子或古稀或者年猶得送其終云

李効培字崧甫光緒己丑舉人補祿豐縣教諭有子九人長者均出洋留學次亦業儒女五人其長兄勤培舉人三弟勤培拔貢俱早歿惟四弟湘原名効培歲貢貴州州判戊戌効培會試在京遇下詔求言上書八條陳時事多蒙採取惜歸未得錄用今其書已刊行卒年八十三歲

王玉林昭南城內人家世業農父早逝母守節撫之玉林少

昭通縣志稿

卷七

人物耆老

三十三

昭通新民書局代印

長即力穡以養親性誠敬得母之歡心處事和厚鄉里稱爲善人子朝相以商業起家凡地方有公益事恆出貲不吝任滇號事迎父就養年逾古稀歿於省寓扶柩歸葬陳榮昌爲表墓稱其率妻躬耕養母不愧古人云

陳炳柑住挑水巷生於道光甲辰年九十二歲沒

馬正榮生於道光丁未年現年九十有一住大興街

陳文舉生于道光甲辰年現九十五歲

李發陞高魯人與妻雷氏皓首齊眉子附生繼庚已見孫四世一堂發陞卒于民國十二年享年九十有四妻卒于民國十四年享年九十有三

雷華高魯人享年九十有八無疾而終
殷秉中字協庸現年八十七歲精神尙健

寓賢傳

夏文炳字豹伯原籍廣西桂林幼隨父昌期宦遊至昭未久
父沒母傅氏撫育三子將成人而母亦卒合葬北關外教場
後時文炳與弟文熙等均在昭從師受業因與岑襄勤公有
舊誼遂赴省從之文炳性好俠義由軍功保巡檢時岑毓寶
襄勤公弟適爲藩司護總督印與按察湯壽銘有隙岑已去
位湯知文炳爲岑黨欲傾陷因其在歸化寺釀飲遂以圖謀
不軌捕之入獄嚴刑逼招謂岑助金事文炳至筋斷骨折終

昭通縣志稿

卷七

人物 寓賢

三十四

昭通新民書局代印

不承謀逆事其婦王代夫鳴冤願替其死後弟文熙到京叩
闕在獄六載事始得白至庚子年乃北上勤王到山西得晤
晉撫岑春喧命守固關後入川剿教匪入粵勦游勇異常出
力歷薦升道員反正之際適署理開化鎮爲南防統領旋回
廣西署鬱林道兼統領事至甲寅年四月卒於任所其弟文
熙赴梧搬柩及家眷來昭初瘞父墓側後遷葬鳳凰山其妻
妾王氏等另有傳子運麟由昭中學畢業入黨部民廿四五
年間任鎮雄指導委員民廿六年調任昭通指導委員
饒仕賢字輔臣原籍威寧父母早逝成童時即隨全翊臣鎮
台至昭入伍長從戎四方常克復宣光裸黑剝隘臨安等處

廠匪績功歷保至副將銜補用參將迭署臨元鎮前營遊擊
國變後還居昭通知內外方脈開設藥舖凡求診者多不計
值當兵興時創立紅十字會充會長頗具熱心民國二十一
年年逾花甲猶隨挺進軍入川充統帶回昭後年七十三歲
卒葬於元寶山左側

陳家鏞字敬三原籍隆昌弱冠隨伯兄商於昭常不廢讀通
經史成都馮玉驄太守過境與語奇之馮精易命推其造謂
當爲功名中人且享高壽傳以易數遂援例分發雲南巡檢
以勘維藏教案及襄河口軍事歷保至知縣補授易門縣署
安寧知州國變後隨馮子南巡按入蜀至昭止之與馮別曰

昭通縣志稿

卷七

人物 寓賢

三十五

昭通新民書局代印

吾清之小吏格於種族之義不能死衣錦還鄉則深恥昔管
甯隱居遼東爲漢也今遼淪于外人昭通吾舊遊地其家居
於此乎以後一切宦途世事俱不經意惟誦經禮佛爲普緣
社長引入道者二千餘人民國二十二年卒壽七十七歲三
子人堯代表四川軍久駐北平爲乞吳佩孚題其贊云

少博綜於交象

駒有齒而蔚文司南微之民命頌虞詡爲神君雖人爵之未廣寔仙吏之軼羣嗚呼先生形存香杳臭味風雲季子雲濤善魏碑書法

包于珍字漢臣蜀之南溪人性豁達幼習弓馬以武生從鮑
超軍隨師江漢回軍四川平捻貴州平苗各役保至都司銜
歷任羿子村稻田埧那發等汎官光緒末葉挈眷寓昭遂家
焉國變後年已六旬精力猶健受道尹何國鈞之知任箇舊

招募砂丁委員歷官清廉不事居積晚年貧居營旅店業督子課讀晏如也親舊鄰里貧而告貸者輒絕甘與之不計息無力償者亦不較有非笑之者曰但得兒輩能自立足矣積資何爲其曠達類如此性嗜飲日以酒自遣遂得中風疾卒年七十有二葬天梯孔家營

馬致和字瑞庭昆明人父履安歲貢生補授新興州訓導瑞庭幼習儒長入督標充武弁積功歷保至參將光緒末馬介堂軍門調赴四川出師西藏並歷次帶兵駐防敘府嘉定國變後迎母來居昭通性正直嫻掌故從事商業與李傑侯等籌設清真寺城鄉各處學堂數十所每地方有大公益事靡不出力七十二歲卒子之驥好學前充該寺兩等小學校校長女亦肄業師範此寓公之最良者

昭通縣志稿

卷七

人物 寓賢

三十六

昭通新民書局代印

馬佐生英國人其家男女皆習醫清末佐生即來廣東醫院任職歐州戰起彼奉令抱病赴陣地任軍醫義務事終授陸軍勳章旋回粵民十八年應昭教會聘方抵滇垣聞石門坎人病即徒步往將其治痊始來昭城是時昭戰事方殷軍士多受傷入院醫療佐生不憚煩瑣治之至民間求醫值霜晨寒夜或有要務必輟而治之其延請者雖路遠皆不乘馬坐轎不限時刻無力者概不較醫費及病愈來謝則慨然曰吾之救人天職也餘何計焉其爲人形魁梧性和藹精于內外

諸科心存博愛故名譽遠播耳越明年為人治疫得傳染症不愈而卒該堂開會追悼昭人往者甚衆彼四十尚未娶妻母年八十餘猶健誠可哀已邑士張希魯爲立傳因節錄之

列女傳 賢淑 才媛 貞孝 節烈 節婦並表

賢母姜佟氏

母遼東大姓父陞宦瀛至昭通娶妻生一女二子隨逝世母端厚慈淑及長歸本城姜九齡時孀姑在堂夫性極孝氏能體夫志色養備至後生子四女二夫經商外出僅年終一歸省凡家中仰事俯畜氏一身任之而教子必依禮法循純謹故四子思孝思敬思讓皆貢生思敏附生留學外洋歸爲師範校長母治家勤儉始終一致雖處富猶不改其儒素之風孫男女林立次女適馬子亦多合之內外孫曾幾近百人享年八旬有三棄養鄉黨稱之爲全福誠昭近世之賢媛也

朱張氏

遊擊張明次女舉人朱超之妻氏知書明禮父母恆鍾愛之長適超常外出氏代事翁姑甚謹久之夫歿無子更奉養老姑及撫夫二弟成家過繼弟子朝綱爲嗣現已娶媳抱孫曾議再生子即爲張氏承祧現年六十九歲其守節已載前志並有傳見後藝文

萬梁氏

叙府人夫增華早歿遺子三長超羣住叙府同治未其次子超倫來瀛經商因迎其母及弟到昭遂家焉後因長孫文光有子治謙復生玄孫家福氏年八十餘歲孫又

昭通縣志稿

卷七

人物 列女

三十七

昭通新民書局代印

生孫次房孫文照事業隆盛黨爲之請旌並給五品誥封錫以五世同堂額氏高年強健性情慈祥宜其後嗣之蕃茂又二年卒葬于西鄉落沙塊

夏王氏

浙江人雲南直隸州知州王秋帆季女幼習詩書長適夏文炳爲嫡配新婚數日夫即逮捕藩司獄將不測氏血書鳴冤願替其死及事白文炳從軍立功四川廣西官至開化鎮民國初署壽林道氏以翁姑墓在昭因先來祭掃並置產業三年文炳歿于任夫弟文熙赴鬱搬柩挈眷來昭遂家焉氏治家勤能撫其二子及姪運壽成立男婚女嫁備極辛苦現年六十餘歲精神強健事夫教子真巾幗之賢媛

側室龐氏

生子運麟未四歲夫歿氏年二十餘年已見孫

李氏

生一女夫歿後遺腹生子次子運祥時氏年二十六歲現子已結婚守志二十餘年

二孺人皆奉事惟謹一家和順皆賴王夫人之維持焉

其代夫鳴冤詞云氏夫夏文炳瀛之下吏也去冬十二月氏歸之合昏之夕見親友賀者如雲皆仕宦人也未及一月氏夫將應趙公馬塘台站事束裝日突有昆明縣役持牒來敦促氏夫速去氏莫知所措急探之知爲奸人陷害誣以謀爲不軌事氏屬新婦代白無由惟有一日夜泣血而已細探之初鞠於有司而氏夫無一供再鞠於委員而氏夫無一據不意奸人毒計聳愚於臬署藩司之前意在故入人罪始猶押之於禮房旋即收之於監禁加以錄烤一毒計聳愚於臬署藩司之前意在故入人罪始猶押之於禮房旋即收之於監禁加以錄烤

會鞠普公尙未置辭湯公斥褫衣裳獨述誣者之言曰爾謀反從實招來氏夫曰謀反有何
據有何憑湯公曰謀反無據無憑聞爾曾私通洋人有信函氏夫曰信何在湯公無詞又曰
岑某助爾若干金命爾謀有諸氏夫曰此言大謬岑公被傾陷通省士民皆知冤岑公安命
歸里不敢怨是亦可以休矣既傾其位而又欲加以悖逆之名毋乃太傷天理乎堅持不可
時湯公怒即於藩署堂上置非刑逼以妄供以爲三木之下何求不得熱其頭中縛其手復
以大木壓其腿筋大木之上站四人用力踹之備極苦楚昏迷昏亂終無一語道及悖逆事
湯公大言曰招與不招都要殺氏夫曰殺不可也非刑實難當大人已有孫子何必如此酷烈
臬憲普公以刑逼非宜請緩訊之湯持不可命極刑堂上各官幾泣下藩署二堂拍板聲聞
於外似亦深怪其殘忍者湯竟置若罔聞臬憲拂袖去湯怒復命再刑氏夫終不屈終不肯
妄供首府與公請之不得已始釋刑氏夫筋骨已傷撲地不能起嗚呼官場至此掃地盡矣
竊思藩憲非用刑之人藩署非用刑之地氏夫無應刑之罪州縣爲刑名之官濫用非刑尚
且不可況藩司乎氏夫受此極刑已成廢棄未必不死氏夫若死氏何敢生若藩憲堅欲置
氏夫於死地以恨岑者因以恨氏夫願先將氏頭斬于市以代氏夫之死免氏夫受此極刑
幼讀父書稍知大義自氏于歸未及一月氏夫即罹大難自知命薄累及良人無妄之災飛
來天上氏夫死矣氏恨何窮嗚呼君門萬里呼籲無從新婚永訣飲血椎胸誰無夫婦如賓
如友誰無兄弟如足如手冤之何辜罪之何咎濫用非刑律例安有痛哭湯陰事莫須有泣
告仁人血書代口 夏君印文炳字豹伯其妻王孀人爲吾浙王直刺字秋帆先生第三女
也幼聰穎長尤孝謹自持四德兼備雖居巾幗恆凜凜有丈夫氣及于歸夏氏未期月而豹
伯罹此冤誣孀人飲血號泣每清夜焚香告天願以死代及聞豹伯受刑觸發舊傷孀人益
痛楚屢尋自盡均遇解救適歸甯有訛傳豹伯已定重罪者孀人聞之絕食二日雖父母妹
而婦女無知諒亦荷鑒
原格外也蘇忠廷跋

昭通縣志稿

卷七

人物列女

三十八

昭通新民書局代印

蕭劉氏

昭城處士劉富先女笄年歸蕭瑞昌爲室助夫經營商店由此起家生子六女三均
撫養婚嫁成人性勤儉待人慈惠族黨稱賢年七十五目盲一紀復明後半載即歿

周劉氏

孝子之綱妻人鏡照
之母享壽九十七歲終

馬撒氏

昆明人適夫履安母性慈良耄老猶健民元
二十一年壽八十六歲歿子瑞廷事詳寓賢

張徐氏

名文鳳張楚財之妻之初之母幼入家塾讀兼精女工既于歸侍奉太姑暨姑克盡
婦道助夫教子悉有聲太姑常病痢日夕奉侍湯藥親爲洗滌穢器戚里咸稱賢孝

晚年多病以民國九年
沒年僅五十餘歲

鍾李氏

中酒漁河人附生朝勛之母初氏助夫興家生子女六人至民國廿三年氏年
九十一歲卒早見玄孫縣長譚贈以五世同堂額其長次媳均居孀另有傳

陳趙氏

氏適夫陳選堂時當回亂夫從軍勦逆官守備入蜀數年氏家居以手工奉養舅姑
教育子女戚黨無閒言子開陽由商起家氏見生計饒裕即命其子多行慈善事凡

負債難償者即焚其券至貧窮無告者則調卹弗吝其尤異常者慨昭城無一完善小學校
囑開陽捐錄洋三萬金新建中心高小兩等學校人咸謂其難得其他善舉尤多以甲戌年
歿年七十五孫曾林立
昆明陳榮昌爲之誌墓

李汪氏 父汪仁瑞貴陽人適夫昭通李開燦氏治家勤儉撫育子女遊學於外子國鈞清文
生好勸人為善地方有公益多參加現督辦痲瘋院備極勤勞女多加成都大學畢
業未適人習醫凡延請者恆不計值母年八十九病垂歿
囑子不受弔願以喪葬費辦理善舉事孫曾五十餘人

才媛

李培蓮女士 字質君賓川李燦廷之女滇主席龍雲之妻幼端慧嗜學畢業省垣女子
師範學校成績甚優于歸後夫總師于軍務倥傯女士除主中饋外嘗整
理文卷襄贊軍事議改幣制多中肯綮六一四政變奔走籌畫脫夫於險性
喜臨池書摹劉石庵工詩著有紅藕軒稿民國二十一年病歿年三十有三

王希垣女士 舉人志恕之女性敏悟不苟言笑少入塾誦讀不輟工詩文業師姜緝熙
常稱之繼入甲種師範講習所父宦粵東將女許字黃姓以途遠未婚常
研究英文因與英女士交換智識當畢業時女已病強勉考試列前茅歸家數
日疾遂篤以致不起其母爲之悲痛時民國五年年僅二十歲識者多惜之

饒陶氏 名聖芝少尉饒星臣之妻增生陶慶恩長女性貞靜幼從父讀年及笄適饒氏國五
年星臣從軍至川奇神之役歿於陣氏聞耗不欲生願矢志冰霜隨入師範講習所

昭通縣志稿

卷七

人物 才媛 貞孝 三十九

昭通新民書局代印

肄業久任女校高初兩級教員常于歸事
父極敬孝道年四十六歲歿守節十七年

陸雲仙 彝良火燒壩人其父永豐無子招贅盧秉銓民國十六年秉銓以副官從軍通海剿
匪陣亡雲仙聞耗成疾及病垂危囑將其父全部產業捐送昭通十屬女中校以其
收入作常年經費已呈教育廳立案計其產不下數萬元年收租約在數百
石雲仙深明大義願以產業惠我女界其急公好善誠閨壺中不可多觀云

貞孝女

貞孝龍志楨女士 滇省主席雲之妹幼習詩書有才能曾入昭女師校畢業因孀母
年老兄從戎在外遂矢志堅貞奉親三十餘載母歿更廬墓十四
年撫諸姪成立建設祠堂祭田招佃開墾新修河道凡地方公益靡不從事尤熱心教育初
出資創設幼稚園繼提倡女子中學曾勸募水坳火燒壩產業爲經費後改師範又捐巨款
建築學校其他如創辦炎山及廻龍灣兩級學堂尤屬惠洽多士其爲人勤儉接物真誠至
戚黨有爭執事就其解決常持以正義人罔不服從年四十六歲歿鄉城之人甚惜之經紳
耆錄列事蹟呈請政府褒揚承蔣委員長贈以操行可風額並由
民衆發起公祭公葬即瘞於廻龍山母塋之側以遂其夙志云

胡貞女 附生胡國禎之第三女也性純靜祖母舒居孀撫孤至於成名已載前志母早歿女
守不字民國初父病沒祖母年近八旬只一幼弟女奉養老稚並全喪娶備極艱辛
深居閨壺日事針黹雖至親罕識其面後以比鄰牆傾兩相爭持爲悍
婦所擊傷遂成訟女憤怒填膺氣極而沒年四十餘鄉里爲之痛悼

蔡仕璧

蔡國寶之九女性警敏事親甚孝曾畢業高等小學年十八適鄧泰中團長過昭觀其貌央媒聘之時彼倉卒轉省遂挈之去至桃園宿旅舍鄧欲其侍寢並戲以遊語女謂非正式成婚遂竊藥自盡人多稱其烈云

孝婦

李朱氏

邑人李雙陽之妻夫畱學東西洋翁潤之在家年老多病氏侍奉甚謹及垂危氏割股療治延旬日而歿氏創猶未愈人始知之咸稱其孝至民國成立其夫回國後舉北京議員生子立言自幼即得其教養以至成人方赴美京大學習工科畢業後授探鑛冶金學士職氏歿於民國十五年邑紳李嘉珉為之表墓文載藝文志

節婦

龍清泉妻龍氏

滇省政府主席龍雲之母年及笄歸清泉生雲及妹登鳳未久即歿氏矢志撫子成名原任滇東鎮守使母沒雲旋昭為之喪葬官紳呈請褒揚於民國十三年建坊城中區並就箴箕灣墓側立祠享祀年六十二歲守節三十六年

何占魁妻馬氏

占元妻趙氏 親姊也咸豐中占魁陣亡江南占元戰歿吞都馬無嗣趙有子維榮二氏居孀撫孤針黹為生待維榮成立襲其父雲騎尉職署吞都把總人咸感載之善教子嘗念其伯母與母苦節辛持家以己次子本義為魁承嗣馬守節三十三年趙守節三十年雙忠雙節早荷

昭通縣志稿

卷七

人物 孝婦 節婦

四十一

昭通新民書局代印

襄旌至民國十四年其孫本仁本義本智修建妯娌節孝坊于西關外以成父志即以昭女界之模範焉

邵芝典妻李氏

孝義李正榮次女湛陽之胞姊及笄適芝典生子各一夫早歿氏上事弱姑下撫子女及長婚娶子鴻鈞亦克自樹立幼習商有幹濟才現為商會主席縣參議會議長母民國四年歿守節二十四年紳耆代為請褒揚蒙黎大總統褒以志潔行芳額

胡羅氏

湖北羅德宏之女附生琮之妻夫年二十九以疾歿氏時年二十八歲子升吉方四歲氏矢志撫孤升吉童年入庠隨遇回亂挈子入城避之僅攜大豆四升以供養殮不忍售以其餘飲助戚族之貧者茹苦含辛守節四十五年享壽七十有四卒光緒六年請旌准建坊入祠他事詳其子升吉列傳

曾王氏

曾傳美之妻十六歲于歸至二十歲夫病故生子二生女一氏矢志撫孤男婚女嫁現五十八歲守節三十年

黃田氏

田文美之妻年及笄適培緒生子述有至二十八歲夫沒氏矢志堅貞上事老姑及故喪葬盡禮下撫孤子成立以商業起家居孀三十餘載宣統三年卒年六十一歲

劉孫氏

係劉鑒之母也夫故矢志撫孤成立孀居五十餘年至八十九壽終

楊胡氏

春亭之妻性慈淑工鍼黹春亭商於黔病歿氏時年二十九矢志撫孤茹苦含辛紡織度日教子家盛成名任教育局長氏晚年長齋事佛於民國二十一年因病逝世

享年七十二計守節三十二年

黃繆氏

孫漁河人夫沒氏年二十八即矢志撫孤成立娶媳生子既而夫婦俱亡氏又撫

黃楊氏

年十八歲于歸炳榮因訟事斃盡役胡泰縣官廉其情減等徒廣西逾年病沒

崔馬氏

貢生馬錫章長女夫沒時夫弟緯及子學文俱幼氏矢志撫養成人其子今已生孫朝銘現年五十六歲守節二十八年

吳珍泰妻張氏

子文炳妻張氏 姑媳也西關外二十五戶人其姑年十七來歸珍泰習商業年二十四病歿家貧親老

氏矢志冰霜仰事俯畜備極辛苦及子文炳成人為娶其兄女數載出外經商又沒於鹽津時媳年二十六遺子女各一均甚幼稚姑慈媳孝兩世孀居耕織勤儉撫育其孤現已成立

姑年六十有六守節四十餘載 媳年四十六冰霜二十餘載

何光鑑繼妻姜氏

大關廳知事姜鳳陽之長女二十歲于歸附生何光鑑不數年夫死無子撫前妻之女如已生出嫁時盡自己所有以作嫁奩平時

以織布為生數年後念姑死無碑墓積工資節衣食費為姑立碑現年五旬餘守節二十餘年

李暉陽之母謝氏

四川會理州謝公鴻裕之第三女年十七其夫運向衙李公瑞廷經商在會因娶之歸昭事孀姑遲太夫人得其歡心生一女時夫

兄耀廷幼於商務召瑞廷赴渝襄助號事挈眷去居渝數年生子暉陽方數月瑞廷即病沒氏矢志冰霜既而返昭撫恤子女備極勞苦女長適何鎮軍季子乃清時家計窘迫猶多方

昭通縣志稿

卷七

人物節婦

四十一

昭通新民書局代印

製辦嫁奩幸暉陽幼慧母勤劬之後其伯乃召至渝讀書既成命赴東瀛遊學女亦歸黔母

親身前往畢生勤苦戚黨稱其賢焉民國六年春聞子旋滇因赴省母子相見後仍命還東母亦返昭至八年春母以積勞病沒子聞電奔喪及葬後復東渡畢業於東京帝國大學經

濟科回滇供職有年已接妻生子惜母不及見矣暉陽現任雲南省立昭通中學校長氏沒年五十七守節三十載

謝尙忠妻常氏

尙忠國發之四子也夫沒氏年三十歲性婉淑以紡織耕稼劬女適王

沒守節四十餘年孫曾繞膝一門和睦人以爲立志苦守之報焉

張王氏

張明良之妻氏于歸後十餘年夫沒氏含辛茹苦矢志撫二子及女并替姑撫其夫弟六人與其子女均皆婚嫁苦節五十年至七十八歲沒

楊陽氏

邑紳楊履恆之繼室民國九年夫沒於自流井氏住重慶年二十八歲搬柩回里矢志撫孤至於成立子婦謝氏連生五子氏性純和治家勤能戚黨均稱其賢至二十

五年病沒守節十七年

劉周氏

劉培根之妻歷任案板井鹽場知事曲靖縣縣長人佑之母培根早歿家計維艱氏

十八歲卒

雲南昭通縣列女表

類別	姓名	籍貫	事	實備	考
貞孝女	王美貞	昭通	守節求學孝敬父母三十八歲沒	民國十九年五月報請褒揚	
貞女	曾郭氏	全前	許字曾興賢尙未完娶與賢故過門守貞撫夫弟興義成人守節四十餘載	光緒二十六年已請旌表	
貞女	殷利貞	昭通	三歲失恃七歲失怙矢志守貞民國十三年捐贊入雲南紅十字會為正會員十七年卒		
節孝	黃陳氏	全前	黃萬選之妻氏于歸十餘年夫沒氏勤儉持家善事翁姑撫孤子黃鼎成立居孀三十餘年七十五歲沒		
節婦	楊王氏	同上	舊園楊應勳之妻二十歲適夫生女一二十六歲夫歿氏矢志撫女出嫁至五十六歲歿守節三十載		
節婦	張伍氏	同上	前清附生張吉昌之妻二十歲守節矢志四十年歿		
節婦	趙柯氏	同前	前清歲貢趙聰之媳二十七歲喪夫矢志撫孤保持苦節三十三年已歿		
節婦	楊郁氏	昭通	楊丕昭之母二十九歲守節矢志撫孤成立守節五十載壽七十九歲歿		
昭通縣志稿					
卷七					
人物 節婦表 四十二					
節婦	楊溫氏	昭通	楊繼昌之妻守節二十五年已歿		
節婦	辛劉氏	同右	辛承麟之妻守節三十三載已沒		
節婦	袁王氏	昭通	袁文亮之妻二十一歲夫亡守節三十卒		
節婦	孟徐氏	同右	孟興順之妻守節二十載歿		
節婦	李翟氏	同右	陸軍中尉官李克明之母夫亡氏年二十矢志撫孤成立冰霜二十八歲沒		
全前	孫曹氏	同右	孫錫泰之妻二十歲于歸二十九歲夫死冰霜三十一載民國四年沒		
節婦	張吳氏	全前	張繼先之妻于歸半年夫沒守節三十年民國十九年歿		
同上	胡彭氏	昭通	胡先訓之妻年十九先訓沒氏矢志撫孤年六十四歿居孀四十五年		
以上均已歿					
節孝婦	李周靜貞	昭通	李振之之妻十七歲于歸二十一歲夫死氏以針黹謀生撫孤女讀書出閣現冰霜已滿三十七年		民國十七年十一月報請褒揚

節婦	節婦	同上	節婦	全前	節婦	節婦	節婦	節婦	節婦	節婦	全上	全上	節孝	節婦	節婦	全上	全上	節婦	貞女	貞女	貞孝女		
張會氏	邱王氏	李張氏	何張氏	劉李氏	潘李氏	王李氏	王孫氏	徐李氏	李段氏	李段氏	趙李氏	趙李氏	趙伍氏	舒李氏	祿劉氏	陳周氏	楊劉氏	曾郭氏	呂貞明	呂貞明	謝胡氏		
昭通	全右	昭通	全前	同右	同右	同右	昭通	同右	昭通	昭通	同前	同前	全前	同上	同上	昭通	全前	昭通	全右	全右	昭通		
張鼎三之妻年二十于歸十月夫歿遺腹生子守節三十四年	邱文方之妻守節撫孤三十載	李廷相之妻二十四歲夫亡婆媳同心矢志不二	何光瑩之繼室二十歲于歸未久光瑩署者海縣佐染病故氏矢志事姑撫前娘之子成立	劉安祥之妻二十四歲守節現年五十九歲	潘興恆之妻二十八歲守節現年五十九歲	二十五歲夫亡守節四十四年	王文義之妻十七歲于歸半年夫亡氏苦心堅守現年五十八歲	徐起禎之妻二十八歲夫亡守節三十五年	二十三年夫歿現年七十守節五十載	二十三年夫歿現年七十守節五十載	趙國安之妻二十九歲夫歿現年五十九歲	四歲喪母矢志事父不願出嫁民國十八年入雲南紅十字分會為正會員現年五十九歲	易而卒氏矢志四十餘年現六十七歲	舒懷禮之妻至二十四歲時懷禮出門買	八歲守節三十八載	陳維新之母二十八歲矢志撫孤成立守節四十四年現年七十一歲	亡辛苦度日至今猶然現年六十二歲	六十四歲姊妹妯娌貞節一門	幼以父母年老故未字事奉終身現年六十六歲	許字同里謝徵佑未完娶謝故過門守貞奉養翁姑三十二年	許字同里謝徵佑未完娶謝故過門守貞奉養翁姑三十二年	許字同里謝徵佑未完娶謝故過門守貞奉養翁姑三十二年	許字同里謝徵佑未完娶謝故過門守貞奉養翁姑三十二年

昭通縣志稿

卷七

人物 烈女表

四十三

昭通新民書局代印

二十年八月
報請褒揚

二十年八月
報請褒揚

雄師一夕擣龍關壯士銜枚令若山捲甲齊驅三十里平明
奪得蔡州還

其二

十萬貔貅細柳屯將軍怒馬出轅門陣前巧試屠龍手提出
頭顱酒尚溫

龍尾關題碑和鄧子龍原韻

摩娑石碣訪舊聞龍尾關前日又昏二十萬軍同一塚可憐
多少未歸魂

魚麪腸

謝文翹 秀山

引杯看劍興淋漓竟有別腸佐酒卮鮮潔形疑調玉屑清腴

昭通縣志稿

卷八

詩文徵

四十五

昭通新民書局代印

味勝膾銀絲豹胎熊掌珍都遜馬墨牛黃病亦奇寸斷幾廻
仍蠕動加餐尺素慰相思

圓寶山

己卯 饒起孝 性初
舉人

我聞龍漢初媧鼎金砂擣何年朱汞

丹砂所化
為水銀也

飛墮地圓成寶

天地為洪爐陰陽工鑄造鍛鍊雷斧施烹煎神釜妙鑛盡真

金出潮退靈液老圓虹盤深圈大模如栲栳珠凝色相呈窠

白乃傾倒一鋌置南方丙火資薰燎濟以乾河水

在山
之南

坎離配

合巧浴日色

睽睽

鏡月輝皎皎中凸邊四垂底平頂圓好花

紋苔縷皺眼窠石縫窅風雨磨山骨精光燭天表乃引鳳象

來

鳳凰山在山之西
象鼻領在山之東

逐逐鬥嘴爪象吞鳳距拏鳳攫象鼻拗兩爭兩

不得東西相拱抱北極宮其巔生金水制燥龜蛇時巡行魑
魅敢侵擾香市春月三求利神爭禱洞門金穴開福地球塵
掃拋毬無黃師銜環來青鳥球琳燦瓊宮珍奇羅瑤島瞻彼
銀坑深笑他銅山小將欲輕重權銖兩萬億兆嗤嗤下山氓
錐刀競微杪一角分零星萬室足溫飽買春春長留富人人
壽考大元鎮邊隅利賴子孫保積善慶乃餘惟賢儲宜早爲
語持籌人勿憂國用少

清光亭讌樂寄石甫

西風吹柳線送我步城陰古寺尋鐘入春潭一水深雲山鄉
國思冰壺故人心花外沾新酒清尊豔賞音

昭通縣志稿

卷八

詩文徵

四十六

昭通新民書局代印

四月廿八日午驟雨大雷電以風感而有作

陰霾翳天天無色癡雲貿貿團深墨方圓結陣相膠漆日中
倏變夜昏黑霹靂震驚雷鼓鳴屏翳豐隆紛鬪爭飛廉方逞
撼山怒河伯更挾天瓢傾我疑妖物弄狡獪帝遣童律誅羣
怪又疑老姦惡貫盈雷霆律令風火行或是毒龍羣鬥天含
沙噴水攫雲煙飢蛟怒起挾山走百千丁甲揮椎鞭四者俱
非非無故人心不平天始怒特教迅烈警愚頑明明法戒森
昭布水旱頻年救災皆惡劫收人人不醒人心向善天心回
詩以做人還自做

還家

白髮孀親老青衫遊子歸那堪鸞鏡破重以雁羣飛嫠婦悲

同氣

胞妹二均守節待旌

孤雛唁落暉

亡室遺女亦夭

風塵餘廿載回首是耶非

祭張快園廣文

公鎮雄舉人官白鹽井訓導因衛聖死於回難

黃道清

不負胸中學成仁已殺身乾坤留正氣忠烈見斯人嚼舌噴
龍逆捐軀邁虎臣至今宮藻下血迹未生塵

儒生臨大節慷慨自超羣逃避嗤諸武忠貞慕廣文身衣鄒
氏宅血濺魯侯芹食粟人多少如君未易云

夏日輓耿秋圃

小別何期竟永辭訃聞更使淚如絲招魂剩我遙為祭展墓
誰人再賦詩白馬素車悲撒手青山紅樹總相思西林無限

昭通縣志稿

卷八

詩文徵

四十七

昭通新民書局代印

傷心事話到泉台知未知

卅角當年憶執經推敲險韻費丁寧春蘭結契因文字夏雨
懷人悵渺冥石窟虛營安樂宅玉樓竟詔少微星高山流水
成終古譜入冰絃忍卒聽

存心歌

處世貴和平立身貴恭儉孝弟及信行隨時加奮勉誰云湖
海深水清魚自見誰云巖壑高山明霧自斂惟有世人心恍
惚不可辨吁嗟乎萬物最靈惟人心收兮莫放自無侵比干
七竅誰能及鐵石叢中仔細尋